

Lafaek



Ba Komunidade

Edisaun 3/2015



Ho Apoiu Husi Programa Asisténsia Nova Zelândia, CARE Internasionál Iha Timor-Leste Lihusi Programa Edukasaun Serbisu Hodi Fahe Informasaun Oioin Ba Komuidade Sira Iha Timor-Leste.

Editorial:

Koordenadór Programa Edukasaun Shoaib Danish

Jestór Projeitu Simplicio Lopes Barbosa

Vise-Jestór Projeitu Jaime de Jesus Amaral

Koordenadór Produasaun Octavio dos Santos Carmo de Andrade

Konsellu Editoriál

CARE Internasionál Iha Timor-Leste
Programa Asisténsia Nova Zelândia

Hakerek-na'in

Aliança M. do Rego, Aguida J. de Araujo, Joanico C. Marques,
Herminia da Costa Fernandes

Ilustradór

Antoninho Ramalho, Mariano Peregrinho Noronha

Lay-out

Filipe Francisco Simões

Ofisiál-finansas

Delfrida Gomes da Conceição

Distribuisaun

Adriano Martins (Aileu-Ainaro), Camilo Boavida (Baucau),
Geremias Noronha (Bobonaro), Anito Mau (Covalima), Eduardo
Hornai (Dili-Liquiça), Joni Dana dos Santos (Ermera), Heraldo da
Costa (Lautem), Eduardo Viegas (Manufahi-Manatuto), Baptista
Punef (Oecuse), João da Costa (Viqueque), ONG Lokál Roman
Luan (Ataúro)

Xofér

Caetano Amaral, Nicorah Besi Campe, Adonasi R. da Costa,
Almerindo F. Lemos

Tetun ne'ebé uza, tuir padraun Institutu Nasionál Linguística Nian.

Enderesu : CARE Internasionál iha Timor-Leste, Bairro-Pite, Dili

Telefone : 3321 407

Email : info.lafaek@careint.org

©Labele kopia buat ne'ebé iha Revista ne'e nia laran, se lahó lisensa husi CARE.

Página:

Imi Hatene ka Lae? 3



Mikrofinansia 4-5



Fini ba Moris (Agrikultura) 6-7



El Niño 8



Literasia Numerasia 9, 10, 11



Saúde 12-13



Kuidadu Labarik 14-16



Hanoin Lójiku 17



Kriatividade 18-19



Ofisiál Polísia Suku 20-21



Lian Komuidade 22



Ai-knanoik 23



Imi Hatene Ka Lae?

Ai-moruk Tradisionál sira



Bani been

Hemu bani-been kahur ho derok bainhira me'ar metin iha kakorok, bani-been bele ajuda halo mamar ita-nia kakorok. Da'an ai-lia no hemu atu ajuda dada-iis ho di'ak.



Lis-mean

Lis-mean hanesan ai-moruk atu hatún isin-manas ba labarik sira. De'ut liis-mean no kose ba isin tomak. Liis-mean mós bele hatún bubu.

Du'ut-morin



Du'ut-morin mak ai-moruk atu hatún tensaun. Du'ut-morin mós ajuda ita-nia kakutak tanba bele hatún nervozu. Tuku du'ut-morin halo dodok no tau ba bee-manas hemu hanesan xá.

Malus Tahan



Malus bele halakon katar tanba moras ran-mutin ba feto sira. Da'an tiha no fase oin lulik loron ida dala 3 ka 4.

Sé liu loron tolu maka ladi'ak, bá konsulta iha klínika ne'ebé besik.



PLANU NEGÓSIU NE'EBÉ DI'AK MAK DALAN BA SUSESU

MAUN LAFAEK SEI KARI MATENEK UITOAN KONA-BA LALA'OK HALO PLANU NEGÓSIU.



1. Hakerek saida maka sai hanesan ita-nia oportunidade negósiu.
2. Hakerek oportunidade negósiu 3 ne'ebé mak ita-boot gosta liu ka tuir ita-nia forsa ka badaen.
3. Husi oportunidade negósiu 3 ne'e, ita bele hili ida ne'ebé maka bele halo iha tempu badak ka fásil atu halo.
4. Karik hetan ona ideia negósiu, hahú ho buat ne'ebé ki'ik, maibé kuidadu atu labele para iha dalan klaran.
5. Hanoin didi'ak kona-ba oinsá atu fa'an sasán no hahú kedas.

Ezemplu

- Buka fatin ne'ebé ema bele sosa lailais ka besik liu estrada no laiha ema seluk maka hala'o negósiu hanesan ka iha maibé seidauk barak.
- Deside sasán saida mak ita hakarak atu fa'an. Ezemplu sasán saida maka hola-na'in sira, ema-boot ka labarik presiza no folin labele aas liu ema seluk nian.

- Osan ne'ebé ita uza ba negósiu ne'e mai husi ne'ebé? Ita-nian rasik ka impresta?

Karik impresta presiza halo planu didi'ak kona-ba osan tama-sai hodi garante katak osan sempre natoon atu selu fila osan ne'ebé mak ita deve.



6. Hakerek planu osan hira mak atu rai no uza hodi aumenta tan negósiu ne'e ba oin. Ezemplu atu hola fali sasán hodi fa'an nian.
7. Hakerek saida maka ladún la'o di'ak, bainhira hahú negósiu. Nune'e ita labele halo sala fila-fali iha loron tuirmai.





Oinsá Hetan Fini Musan No Fini Kain Ho Kualidade Di'ak?

Tempu kuda atu mai ona! Imi presiza finis ho kualidade hodi bele moris di'ak no fó produsaun di'ak. Imi bele hetan finis kualidade di'ak ba hare, batar, forerai no fehuk midar ka ai-farina kain, iha imi-nia suku ka munisípiu, hanesan tuirmai:

1



Grupu Habarak Fini Komunitade (GHKF)

Hamutuk GHKF 1,208 mak harii iha Timór laran hodi fornese finis kualidade di'ak husi variedade batar (Sele ho Noi Mutin), hare (Nakroma), forerai (Utamua), fehuk midar (Hohrae 1, Hohrae 2, Hohrae 3) no ai-farina (Ai-luka 2, Ai-luka 4).

2



Produtór Fini Komersial (PFK)

Hamutuk PFK 58 maka produs finis komersial ba variedade hanesan batar, hare no forerai, ne'ebé ninia kualidade kontrola husi Departamentu Finis MAP. Finis komersial hatama iha plástiku no uza label kórderoza ho marka Finis ba Moris nomós marka grupu. Nia pureza fíziku 95% no nia nível jerminasaun 80%.

3



Sentru Produsaun Fehuk Midar Kain

Sentru 31 mak harii ona iha munisípiu hotu-hotu ne'ebé fornese agrikultór sira ho fehuk midar kain fresku, husi variedade Hohrae 1, Hohrae 2 no Hohrae 3.

4



Sentru Produsaun Ai-Farina Kain

Sentru 11 mak harii ona iha munisípiu hotu-hotu ne'ebé fornese agrikultór sira ho ai-farina kain fresku husi variedade Ai-luka 2 no Ai-luka 4.

5



Loja Agrikultura

Iha loja agrikultura 26 iha munisípiu hotu-hotu, ne'ebé fa'an finis kualidade di'ak, husi batar (Sele ho Noi Mutin), hare (Nakroma) no forerai (Utamua).

Glosáriu:

Label: Informasaun kona-ba kualidade finis; **Pureza fíziku:** persentajen finis mos; **Jerminasaun:** Sasukat kapasidade finis moris normál iha kondisaun óptimu; **Komersial:** Finis hodi halo komersializasaun; **Umidade:** Persentajen konteudu bee iha finis laran ne'ebé lakon iha tempu habai; **Laboratóriu:** Fatin testu finis ho kondisaun ne'ebé kontroladu.

Oinsá Atu Identifika Finis Komersial Ne'ebé Iha Kualidade Di'ak?

1. Finis falun iha plástiku ho marka PFK nia naran, nomós marka Finis ba Moris.
2. Uza label kórderoza ne'ebé hakerek variedade nia pureza, konteúdu umidade no persentajen jerminasaun no data finis ne'e koko.
3. Finis nia prazu seidauk remata (nia data seidauk liu husi fulan 6)

6



PFK PRODUS FINI KUALIDADE DI'AK

Variedade Ai-horis Ne'ebé Lansá Husi MAP



1 Ami grupu produtór fini komersiál (PFK) ho naran Grupu Agrikultura Manufahi (GAM). Ami kuda batar variedade Sele no Noi Mutin no prodús fini sertifikadu no fini komersiál.



2 Ami-nia fini kualidade di'ak tanba hetan inspesaun no monitorizasaun dereitamente husi Departamentu Fini MAP, no koko iha Laboratóriu Fini kona-ba, nia pureza konteúdu umidade no jerminasaun.



Utamua

- Produsaun aas liu
- Musan boot
- Sabór midar



Nakroma

- Produsaun aas liu
- Han morin



3 Bainhira hetan rezultadu testu ne'ebe pozitivu husi MAP, ami enxe fini iha plástiku ho marka GAM no Fini ba Moris ho label korderoza ne'ebé hatudu kona-ba rezultadu no data fini koko husi MAP no durasaun fini.



4 Ami fa'an ami-nia fini komersiál kualidade di'ak ba agrikultór sira nomos ba loja agrikultura.

Hohrae 1, 2, no 3

- Produsaun aas liu
- Sabór di'ak
- Hohrae 3 riku ho vitamina A



Ai-luka 1, 2, no 4

- Produsaun aas liu
- Isin-boot
- Ailuka 1 sabor moruk
- Ailuka 2 no 4 sabor di'ak

“Ministério Agrikultura e Pescas” (MAP)

Karik ita interese atu kuda variedade ai-horis hirak ne'e, bele kontaktu imi nia Xefe-Suku, Estensionista no Edifísio MAP Munisípiu kona-ba fatin no número kontaktu husi GKHF no PFK sira, Loja Agrikultura no sentru produsaun Fehuk Midar no Ai-Farina Kain iha imi nia Munisípiu laran.

Konteúdu sira iha pájina 6 no 7 mai husi:

Seeds of Life
Fini ba Moris

Sele no Noi Mutin

- Produsaun aas liu
- Fulin boot no fai di'ak
- Sabór di'ak
- Resisténsia/ tahan ba anin

EL NIÑO MAI ONA, ITA PRONTU HASORU?

SAIDA MAK EL NIÑO?

El Niño maka tempu ne'ebé udan mai tarde no remata sedu.

IMPAKTU HOSI EL NIÑO MAKA SAIDA?



Rai maran, balada isin krekas.



Ai-han la fó isin ho di'ak.



Bee menus.

SAIDA MAK ITA BELE HALO?

1. Ajuda prosesu rai xupa bee:



Labele sunu, lere de'it du'ut maran. Du'ut maran bele proteje rai.



Rai fini balu, karik presiza kuda fali.



Kuda ai-han oioin iha to'os laran.

2. Proteje ita-nia bee:



Proteje área bee-matan.



Hadi'a no proteje ita-nia sistema bee moos.




Taka torneira bainhira la uza.

Karik ita hakarak hatene liután kona-ba El Niño bele kontaktu ita-nia estensionista iha ita-nia suku.

Mai sura

Haree dezeñu iha sorin hira no tau marka ba nia rezultadu ne'ebé loos iha koluna laran.

Ezemplu:



1	2	3
4	5	6



1	2	3
4	5	6



1	2	3
4	5	6



1	2	3
4	5	6























1	2	3
4	5	6











Mai sura











Númeru Belun Husi 10











Ezemplu











				
				
9	+	1	=	10











				
				
1	+	...	=	10











				
				
2	+	...	=	10











				
				
10	+	...	=	10











				
				
8	+	...	=	10

				
				
5	+	...	=	10

				
				
3	+	...	=	10

				
				
6	+	...	=	10

				
				
4	+	...	=	10

				
				
7	+	...	=	10

Mai Kuñese Letra



Ho Mau Sesta

Row 1: Letter J. Includes uppercase 'J' and lowercase 'j' with stroke order arrows (1, 2). Includes dashed versions for tracing.

Row 2: Letter K. Includes uppercase 'K' and lowercase 'k' with stroke order arrows (1, 2). Includes dashed versions for tracing.

Row 3: Letter L. Includes uppercase 'L' and lowercase 'l' with stroke order arrows (1). Includes dashed versions for tracing.

Row 4: Letter LL. Includes uppercase 'LL' and lowercase 'll' with stroke order arrows (1). Includes dashed versions for tracing.

Row 5: Letter M. Includes uppercase 'M' and lowercase 'm' with stroke order arrows (1). Includes dashed versions for tracing.

Row 6: Letter N. Includes uppercase 'N' and lowercase 'n' with stroke order arrows (1). Includes dashed versions for tracing.

Row 7: Letter Ñ. Includes uppercase 'Ñ' and lowercase 'ñ' with stroke order arrows (1, 2). Includes dashed versions for tracing.

Row 8: Letter O. Includes uppercase 'O' and lowercase 'o' with stroke order arrows (1). Includes dashed versions for tracing.

HAKARAK BEBÉ ISIN-DI'AK?



1. Fó susu-been inan

Susu-been inan de'it mak ai-han ba bebé foin moris to'o fulan neen, tanba:

- Halo bebé forsa hasoru moras.
- Halo bebé saúde di'ak no matenek.
- Hametin domin inan ba oan.
- Sé bebé moras fó-susu nafatin.

2. Hetan Imunizasaun

- Bebé foin moris to'o fulan sia tenke hetan imunizasaun.
- Lori bebé ba sentru saúde ka postu Sisca atu hetan imunizasaun.



3. Tetu Labarik

Atu bebé isin-di'ak lori bá tetu fulan-fulan atu hatene bebé nia todan.

PLANEAMENTU FAMÍLIA

Planeamentu Família ka BaiBain Ita Bolu KB, Di'ak Tebes ba Família Sira Tanba:

Di'ak ba Inan:

- Labele isin-rua to'o inan nia saúde di'ak fali depois partu.
- Iha tempu atu aumenta ekonomia família.
- Inan bele deskansa no isin-di'ak.



Di'ak ba Oan:

- Bele hetan susu-been inan.
- Hadook oan husi malnutrisaun.
- Saúde oan sai di'ak.
- Hetan domin di'ak liu husi inan.

Di'ak ba Aman:

- Iha tempu atu aumenta ekonomia família.
- Iha tempu ba oan no inan.



Inan-Aman Serbisu Hamutuk



1

Iha uma,
Mau Resi ajuda
Amá bá kuru bee.



2

Mau Resi mós
ajuda hili ai-
maran ho Apá.



3

Tanba serbisu
barak, halo Mau
Resi isin-baruk
iha eskola.



4

Manorin Sidalai
husu, Mau Resi
dehan kolen.



5

Mau Resi nia valór
eskola mós tun.



6

Manorin Sidalai ho Boralai esplika ba Mau Resi nia inan-aman.



7

Dadeer, Apá ho Amá serbisu hamutuk iha uma-laran.

8

Agora, Mau Resi mós iha tempu estuda hamutuk ho kolega.



9

Mau Resi mós iha tempu halimar ho kolega sira.



10

Ikusmai, Mau Resi hetan valór di'ak no Apá ho Amá kontente.



PREVENSAUN HUSIK ESKOLA Knaar Inan-Aman no Komunidade

Ajuda ita-nia oan hetan susesu iha eskola no ninia moris-asegura katak nia bá eskola loroloron, kompleta klase no rejistu iha klase tuir-mai.

Iha Lei Edukasaun Báziku 2008, Artigu 58, Edukasaun ne'e obrigatóriu ba tinan sia.

Ne'e signifika katak inan-aman sira tenke haruka sira-nia oan bá eskola hodi kompleta klase 1 to'o klase 9.




Inan-Aman no Membru Komunidade bele:

- Sai ezemplu di'ak iha komunidade-halo tuir lei no haruka ita-nia oan hotu bá eskola.
- Fó tempu ba ita-nia oan sira atu estuda iha uma. Hatudu interese iha sira-nia serbisu eskola nian no partisipa iha sira-nia atividade iha eskola.
- Haruka ita-nia oan bá eskola loroloron no asegura katak nia bá duni no bá lora tomak.
- Servisu hamutuk hodi hadia eskola liu Asosiasaun Inan-Aman.
- Foti asaun bainhira ita haree labarik ruma serbisu ka halimar durante oras eskola nian. Ko'alia ho labarik ne'e, labarik nia inan-aman ka fó hatene ba autoridade lokál.



Foto: (Ieten) voluntáriu grupu komunidade "Bá Nafatin Eskola" informa inan-aman sira kona-ba importánsia eskola nian iha Poerema bainhira tinan eskola atu remata.



Iha revista ida ne'e, ita sei hetan livru ki'ik no karta ne'ebé esplika oinsá inan-aman ho membru komunidade sira bele prevene husik eskola. Karta ne'e fó hanoin hikas ba inan-aman sira kona-ba lei ne'ebé presiza sira atu haruka sira-nia oan bá eskola. Livru ki'ik ne'e mós esplika importánsia husi edukasaun ba ita-nia oan rasik nomós labarik hotu iha komunidade laran nomós oinsá atu ajuda sira hodi bá nafatin eskola.

Hanoin Lójiku



Mana Zita iha planu hakarak sosa sapatu foun ba nia oan ho folin dolar 50. Maibé, mana Zita nia osan dolar 35 de'it. Mana Zita impresta tan nia kolega Sonia nia osan dolar 15 hodi sosa sapatu ne'e. Agora, mana Zita nia osan hamutuk dolar 50 ona, hodi bele sosa sapatu ne'e. Bainhira mana

Zita bá sosa sapatu ne'e, loja na'in fó fila-fali dolar 3, sentavu 50 ba nia. Fila mai uma, mana Zita fó fila-fali osan dolar 3, sentavu 50 ba nia kolega Sónia.

Agora mana Zita nia tusan hela hira? (.....)

Númeru Májiku

Mai prenxe kuadru mamuk iha kraik, hodi hetan rezultadu númeru 15 iha parte sorin-karuk no kraik.

8	1	6
3		7
4	9	2

15

15

15

15

15

15

Halo Hena-aat Sai Boneka.

Maun LafaeK Sei Hatudu Oinsá
Atu Halo Boneka Husi Hena-aat.

sasán ne'ebé uza hodi halo maka ne'e:
Kabas no daun, hena-aat, surat-tahan
mahar, ai-lele no lápís.




1

Pinta no tesi boneka iha surat-tahan mahar.



2

Taka boneka ba hena hodi pinta tuir.



3

Tesi hena tuir boneka ne'ebé ita pinta.



4

Taka hena kotuk, oin hodi suku hale'u hena nia ninin.



5

Fó espasu ida ba hena, hodi tau ai-lele ka kabas-rahun to'o nakonu.



6

Suku hale'u tiha, tau sasán hanesan gravata, matan no pita tuir imi-nia hakarak.

Ikusliu boneka sei sai hanesan ne'e. Furak loos!

7



Imi bele halo boneka modelu seluk tuir imi-nia hakarak, no bele fa'an produktu ne'e.

Ofisiál Polísia Suku

“Parte ida ne'e, kontinuasaun husi konteúdu dahuluk iha Edisaun uluk ba Lafaek No: 2/2015.”

Xefe suku halo mediasaun ba problema balada ne'ebé Sra. Maria nia fahi han Sr. António nia batar iha to'os.



Xefe suku esprika kona-ba Lei Meiu Ambiente ba tia Maria ho tiu António, oinsá tenke haki'ak no kuidadu balada, atu comunidade bele moris iha ambiente ne'ebé saudável.



SECRETARIA DE ESTADO DA
PECUÁRIA

Lei Meiu Ambiente:
DECRETO LEI Nº 12/2014 DE 14 DE MAIO
RESTRIÇÃO MOVIMENTO ANIMAL IHA ÁREA URBANA


Proíbe kesi animál no labele husik animál la'o-ba la'o-mai iha área urbana ka área públuku.

“Konteúdu daruak, hahú husi parte ne'e.”

Konsellu polisiamentu komunitária (KPK) organiza enkontru mensál ho lidera husi xefe suku. Sira identifika problema iha comunidade nia leet no buka meius atu rezolve.



Membru KPK hanoin antes atu rezolve problema hirak ne'e, presiza hatene uluk lai istória husi problema sira-ne'e, (karik grave) tenke kordena ho autoridade kompetente sira.



10 Maluk sira, ita presiza tulun atu rezolve problema sira-ne'e.

11 Ha'u hanoin ne'e loos duni.



Membrus KPK sira hanoin problema rua ne'e ligadu ho prosesu legál. Ne'eduni, problema rai tenke kordena ho Terras e Propriedade no problema joven baku-malu tenke refere ba polísia.

12 Entaun di'ak. Ha'u hanoin ita tenke rezolve lailais kazu sira ne'e.



Bainhira enkontru ramata, membru KPK sira halo planu no hala'o kedas serbisu hodi rezolve problema ne'ebé ohin sira identifika.

13 Ha'u tenke bá koordena ho autoridade rai nian.



Xefe suku no membru KPK depois ne'e, hasoru kedas autoridade rai nian hodi mai haree problema rai ne'ebé Sr. Joaquim ho Sr. Jeca hasoru.



14 Oinsá maluk sira-nia hanoin kona-ba problema rai ne'e?

Sra. Júlia buka informasaun kona-ba joven ne'ebé de'it mak envolve iha insidente baku-malu.



15 Botarde Maun. Di'ak ka lae?

16 Botarde Sra. Júlia. Di'ak.

Iha edisaun tuirmai, ita sei hatene oinsá membru KPK no ofisiál polísia suku atu rezolve problema rai no joven baku-malu.



Konteúdu sira iha pájina 20-21 mai husi:



USAID
HUSI POVU AMERIKANU



The Asia Foundation
Improving Lives, Expanding Opportunities

Lian Komunitade



Ha'u kontente simu Revista Lafaek tanba, ajuda ami atu hanorin ami-nia oan sira ne'ebé seidak eskola. Ami mós agradese tebes ba Revista Lafaek tanba bele fahe informasaun mai ami iha área rural.

Leovigildo Francisco (40), Aldeia: Knuá-Alas, Suku: Mahaquidan, Alas, Manufahi.

Revista Lafaek agora mai iha ami-nia aldeia. Ha'u gosta lee kona-ba osan, nune'e bele aplika iha moris. Maske susar, maibé ho tulun husi Revista Lafaek ami bele hetan planu di'ak ba família. Ami hakarak atu Revista Lafaek mai nafatin atu loke ami-nia neon.

Cesaltina Pires (34), Aldeia: No-Ahuk, Suku: Manehat, Natarbora, Manatuto.



Ha'u haree Revista Lafaek di'ak tebes tanba, ajuda ami-nia oan ne'ebé lee seidak di'ak atu aprende. Sira mós lee no komprende di'ak tanba hakerek ho lian tetun. Sebele karik, uza liafuan simples no aumenta tan jogu kadi kakutak.

Ernestina Ninas, Aldeia: Darudu, Suku: Eraulu, Lete-foho, Ermera.



Revista Lafaek ajuda tebes ami tanba, iha dezeńu ne'ebé klaru ho nia liafuan sira ne'ebé simples tebes, halo ami komprende lailais. Tanba ne'e, Revista tenke iha ninia kontinuasaun hodi sai nu'udar kultura ida ba ita Timoroan atu kapasita kle'an ema nia hanoin ba dezeńvimentu rai doben Timor-Leste.

Kornelis Lawe Namang (48), Aldeia; Webicas, Suku: Clacuc, Fatuberliu, Manufahi.



Ha'u kontente simu Revista Lafaek tanba, ha'u haree oinsá halo saus tomate nune'e, ha'u bele halo rasik saos tomate. Ha'u gosta lee hamutuk ho ha'u-nia família sira, liu-liu ha'u hanorin ba ha'u-nia alin sira ne'ebé seidak hatene lee. Iha Revista laran ne'e, ami gosta liu mak agrikultura.

Marcelina de Jesus (17), Aldeia: No-Ahuk, Suku: Manehat, Natarbora, Manatuto.



“MAU RESI HO LENUK JIGANTE”

Dadeer molok rai-hun mutin, Mau Resi foti ninia kohe no redi hodi la’o bá tasi ne’ebé besik hela iha sira-nia uma, fatin ne’e naran Waisoru.

Mau Resi sempre hetan ikan-barak, maske klima iha tasi ladi’ak. Tanba ne’e komidade sira iha aldeia Waisoru orgullu tebes ba Nia. Maibé, ema balu laran-moras ba Nia, dalaruma sira ba ko’a kotu tiha Mau Resi nia redi ka foti tiha lenuk sira-nia tolun ne’ebé Mau Resi haki’ak.



Iha loron ida, Mau Resi sente fuan tuku-tuku. Nia halai lailais bá lenuk-fatin ne’ebé nia haki’ak. Mau Resi hakfodak no tanis, tanba lenuk tolun ema estraga hotu.

Fila mai uma, Mau Resi triste tebes. Iha dadeer, ema hotu iha aldeia Waisoru hakfodak, tanba anin-boot halo tasi-sa’e mai besik komidade sira-nia uma-huun. Ema hotu halai ho ta’uk, maibé Mau Resi la hakfodak tanba Nia iha lenuk jigante ida-ne’ebé sempre ajuda Nia.



Ema hotu halai bá foho leten, tanis hodi husu harohan, maibé situasaun laiha mudansa, tasi-boot tan de’it no ema ne’ebé estraga lenuk nia tolun tasi estraga hotu sira-nia uma.

Komidade sira haksasuk malu, atu husu sé mak estraga lenuk nia tolun ne’e. Haree ida-ne’e, Mau Resi sente triste tanba komidade sira se kro’at ba malu.

Ho situasaun hirak ne’e, Mau Resi laiha dalan seluk atu rezolve. Nia hakne’ak no halo rituál hodi husu deskulpa ba lenuk sira ne’ebé komidade sira estraga.

Teki-teki lenuk jigante ida mosu husi tasi-laran. Mau Resi husu ba komidade sira hakru’uk hodi husu deskulpa. To’o ikus, lenuk perdua sira no komidade sira promete atu la estraga tan lenuk nia tolun. Hahú husi ne’e, komidade sira iha Waisoru moris felís no sira hili Mau Resi hanesan sira-nia liurai.



Istória husi: Mana Juliana Mota (26).
Liquiça, Kamale-Lara.
Edita husi ekipa Lafaek

Kadi Kakutak

Haree liafuan sira iha kraik hodi kompleta liafuan iha koluna laran.

Negósio, Imunizasaun, Família, Estuda, Serbisu, Baria,
Boneka, Rai, Nehan, **Osan**, Munisípiu, Matan.

Osan

u

b e a

a

u i p u

Rezultadu ba jogu pájina 17.

8	1	6
3	5	7
4	9	2

Dolar 11 sentavu 50

Rezultadu ba jogu pájina 10.

Númeru belun husi:

1 maka 9	9 maka 1	2 maka 8	8 maka 2
3 maka 7	7 maka 3	4 maka 6	6 maka 4
5 maka 5	10 maka 0	0 maka 10	